

女陞塔集

李江
題籤



光緒三年夏開雕

彭壺
存
女
陸
集

隨到隨刻
不拘先後

本衙藏板

序

懷寧 彭侯豫卿 今年春自



吾菊移宰東安將行手一
編示余曰此余女詠春墜塔
之事實也余女以同治十二年
於余官景州時墜開福寺之
塔以殉其母今相國合肥李
公既已言之於 朝而大宗伯
德化萬公以及當立賢士大
夫又皆相繼歌詠其寧寵之以
詩若文裒然成帙矣願子輯
而序之以屬之攻木氏庶毋

忘諸公之褒嘉歎賞而余女亦藉諸公文字以不朽也又言余女平生好讀書凡古今孝義節烈事輒向家人津津樂道同治六年其母病篤女嘗割臂肉和藥以進病尋愈至十一年其母又病女再割臂療之而竟不起其時女數求死不得次年正月遂有墜塔殉母之事余蓋甚哀其愚而無以自解也江惟女之志誠愚矣然古來孝女如曹娥之投

江緹縈之救父類皆率其至
性不肖其身豈非其稟於天
者厚守之已者專壹意孤行
不求由諒而惟行其心之所安
以寄其志於無窮然則女之
愚女之孝也孝之至者可以動

三

天地感鬼神宜其神異之迭
見而景州人士祠之碑之與夫
當由賢士大夫皆紀之詠之而
不能自已也初侯有子絕聰
慧作書甚工方八九歲舉止如
成人余嘗目之為小友至是亦

孺侯牧景時既亡其女及牧者
前又喪其子於是侯年近六
十矣余序茲集固將蹙侯
之悲而感侯之遇之窮即余亦
歎歎太息不知涕之何從也
光緒三年秋七月蘭州李江
觀瀾序於穿苦峪九龍泉園



彭孝女墜塔集卷一

奏疏稟稿

督院李 片奏

再據景州學正陳然訓導王朝笏州判李輝祖龍華巡檢閔崇熙吏目章師吉等稟稱孝女彭大姑名詠春安徽懷甯人係現任景州知州彭爵麒長女幼嗜詩書喜聞古今孝義節烈事隨母柯氏侍父任所未嘗一日離母左右同治六年母病篤女潛割腕肉和藥以進病旋愈十一年冬母又病於州署女侍湯藥不解衣寢者二十餘日復割股療治卒不起女恐傷父心居食如常至百日晨起沐浴脫簪珥更衣密加縫紉告父率弟妹

卷一

往奠於開福寺母殯之所寺有古塔十三級高二十八丈有奇託言禮佛戒戚串家人守塔前偕僕婢登至第十一級西向母殯南向州署各泣拜者三遂躍而下家人趨救無及見其以手挂腮側身坐地含笑而逝存年二十六歲時同治十二年正月二十四日也袖中有遺筆二一囑貼塔前明已志一囑殮時勿更喪衣殯必母側啓匣中復得遺言皆與父伯弟妹訣別之詞具述母疾篤時焚香自誓必侍養地下請父勿過痛悼職等近在同城見聞至確不忍聽其湮沒聯銜具結稟請核辦前來 臣查該孝女彭大姑割股療親捨身殉母洵屬孝烈可嘉相應籲懇



天恩俯准飭部照例旌表以彰孝行除分咨查照外理合附

片具陳伏乞

聖鑒謹

奏

同治十二年四月二十五日奉

硃批着照所請該部知道欽此

景州儒學詳文

景州儒學爲據情詳請轉詳

奏請

旌表事同治十二年二月初九日據州屬運同銜前山西甯

武縣知縣張景沂六品頂翎候選縣丞劉坤元五品銜

卷一

二

候選布經歷張若錕同知銜候選訓導趙志清六品銜

前曲周縣訓導張汝澄鹽提舉銜候選通判趙搆謙選

拔生劉維翰貢生任長齡劉璞廩生宋廷舉劉潤堂增

生張石臣趙益謙附生張汝濱張福棠呈稱竊惟頑廉

儒立閭里欽孝德之風褒死勸生

國家重表揚之典自古已然於今爲烈茲有孝女彭大姑

者現任景州知州彭爵麒長女也商賢遺裔皖熙名家

人是閨中之秀曹大家久擅才華孝爲百行之原緹縈

女尤敦至性十年待字隨父任於廣川一笑承歡依慈

帷於蓀暑念母氏之劬勞憐沉綿之久困剝膚以愈曾

甘切近之災割股請嘗復冀至誠之感無如神明徧禱

不見延齡縱使血肉徒殷未能續命遂指白日以盟心誓及黃泉而相見然而寸心展轉恐增怨慟於嚴君兼之百計防維難却深情於伯父暫隱忍以偷生實無心以乞活延至百日之期彌抱終天之恨柩移蕭寺慟泉路之已遙淚灑楸樹思慈顏而不見登浮圖而瞻望厯而上者已踰十層陟窄堵而傷懷所不盡者僅餘一級爾乃奮身一擲自投玉女之扉瞑目三呼甘觸媧皇之石驚鴻大去墮馬長辭竟爾飛昇儼然坐化此則曹娥江畔畧可儷其堅貞五節橋邊未能方斯芳烈者矣崖比捨身卽播芳馨於寶地名應壽世宜邀榮寵於

天家職等心欽孝烈願切表揚冀慰貞魂用維風化爲此合

卷一

三

詞公懇本學老師據情轉詳上達

天聽給予

旌表並求在於死事原籍各地方建立專祠實爲德便等情到學並據附呈該孝女事蹟清摺前來卑職伏查該孝女彭大姑割臂療親舍身墜塔洵孝烈之可嘉宜

旌揚之必錫查上年靜海縣知縣陳元祿之次女陳氏因親病割臂仰蒙前督憲

奏請

旌表奉

旨允准在案今本州彭牧之女彭大姑割臂療親殉身報母情同一律擬合取具甘結加具印結送到清摺粘連成

套同造冊申送憲臺查核俯賜轉詳

奏請

旌表並請俯順輿情在於死事原籍各地方建立專祠以慰幽魂而維風化實爲德便再該孝女係本州彭牧親女是以由學代申合併聲明

同治十二年二月二十一日

計開孝女事實

一女彭氏名詠春父爵麒道光己酉舉人現任景州知州母柯氏

一女隨任直省母意欲聯姻同鄉故二十六歲未字性聰敏工女紅習書法事二親悉得歡心

卷一

四

一女於同治六年母病保陽寓中勢甚危篤焚香泣禱願以身代割股以進疾遂就痊

一文於同治十一年秋母病景州署中躬侍湯藥衣不解帶者廿餘日泣禱如前復割股以進卒不起遂以身殉刀痕至死宛然

一女母殮時欲觸棺以殉伯父力勸女不忍過拂其意兼恐父增痛暫延餘息而志終不移

一女母柩停開福寺西偏至百日之期盥沐更衣赴柩前哭奠寺有古塔十三級託言登塔禮佛逐級焚香頂禮至十一級西向拜者三叩母柩也南向望署拜者三別父也拜畢西向大呼阿母者三小妹相隨知其欲死

力挽不釋女推之仆遂以裙蒙首躡空而下毫無傷損
鞋襪墜落如解脫然端坐而逝時同治十二年正月二
十四日也

一女歿時衣袖中檢出紅白二紙字迹端楷一令貼塔
上俾人知其立志之堅用心之苦一囑停柩母側遂其
殉母之志又自巾箱中檢出五紙遺寄父與伯舅及妹
等具述母病時焚香私誓母生侍奉母死追隨今得如
願含笑九泉勿過悲痛云云情詞悱惻見者隕涕

署景州州判李輝祖等公墓

敬稟者竊惟孝心即可格天求之古今匪易孝行亦堪
風世得之巾幗尤難朝廷首重彛常有庸德者旌揚必

卷一

五

及憲臺維持風化有奇行者褒獎優加茲有現任景州
知州彭爵麒係安嶽懷甯人其長女名詠春年二十六
歲素聰穎知大體自幼事親朝夕相依不離左右同治
六年父從戎未返母柯氏病篤女潛割股肉和藥以進
母病旋愈十一年從父任景州署是秋母復病既久女
侍湯藥不解衣寢者二十餘日醫藥罔效女又割臂療
母病不起延至十月十四日去世女痛不欲生殮時欲
以身殉經伯父勸諭再三女恐又增父感傷遂伴爲承
歡而家人亦莫測其意迨後母柩移停州城開福寺西
偏女每逢節期必往哭拜本年正月二十四日係百日
期女率諸弟妹詣柩前焚香寺前有古塔十三級高二

十八丈女託言登塔禮佛弟妹嫗僕隨從而登遂携幼
妹先至十一級女西向母柩哭拜三轉南向衙署三拜
復西向大呼我母三聲猛然攝衣蒙首直從十一級塔
外墜空而下家人挽救不及已至地二十餘丈矣其時
城內外人有遠見其衣裙飄然盤旋而下乃膚體衣裙
毫無傷損惟二履墜落如解脫者然蓋正月二十四日
未刻事也昇歸署中申刻隕命面色如生袖中檢出紅
白遺筆二紙係聲明殉母之由並布置死後各事另於
奩匣中檢得遺書呈父伯舅及妹等共五紙情詞慷慨
有母氏劬勞恩重誓願追隨所以苟延百日者以遵伯
父慰諭且恐增父憂耳今得墜塔身殉則含笑九泉矣

卷一

六

等語續查始知數日前已將母生時所命經理家事及
遣歸隨侍女婢料理井然不紊則女之死志固已早決
矣女墜塔時遠近趨視所墜之處數日赤暈不散莫不
同聲悲涕伏思彭孝女守貞不字兩番割臂以療親取
義舍生百日捐軀以殉母登高忘險與墜岩之陳氏同
彰視死如歸合救父之曹娥並烈卑職等近依僚屬備
悉情由幸隸仁懈謹據事實爲此合詞籲懇憲恩俯准
據情逕詳督憲

奏請

旌表並准捐建孝女祠俾得

恩邀卓楔表慰貞魂藉茲仰沐

褒嘉顯揚幽德綱常風化日見蒸蒸卑職等不勝踴躍之至
除將彭孝女遺書繕具清摺隨稟呈送外理合馳稟大
人查核肅此具稟

計呈孝女紅紙遺筆

本州彭簡麒之女茲因母故意欲追隨又恐反添父之
傷感故而延至百日墜塔身亡則含笑於九泉矣

孝女白紙遺筆

二妹六妹休要在此傷痛可速回去令人將我屍首抬
入母親外間停放快取衣服裝殮可叫老媽或家人媳
婦來此守屍可將廟內前後門關上恐有閑人觀看將
此紅紙字貼於塔上令人明白我的內裏小衣勿要更

卷一

七

動只添大衣足矣家中牀上匣內有字數張可送給伯
父二妹等觀看爲要鞋膝帶子亦在其內可速整備干
萬勿要過傷還有我的喪事

本府陳批

詳觀來案具悉孝忱本詩禮之名門成閨幃之奇節始
而刳肝割臂難回疾疚於膏肓繼而滅性毀身誓報劬
勞於泉壤十一級天花散墜歎人間無續命之絲廿六
年寸草瞻依知地下舞承歡之綵載披遺筆尤悉苦心
依香火於空王本是蓮台侍從荷

絲綸於

聖世須頌卓楔

恩榮仰候轉詳以彰孝行摺繳結存

同城官學正陳然等公稟

敬稟者竊有孝女彭大姑名詠春安徽懷甯縣人係現任景州知州彭爵麒長女幼明慧先意承志與母柯氏相依爲命稍長嗜詩書喜聞古今孝義節烈事稱誦不去口隨母柯氏侍父任所未嘗一日違母左右同治六年父奉差出母在省寓病危篤文潛割腕肉和藥以進病旋愈十一年冬母又病於州署女侍湯藥不解衣寢者二十餘日醫治無效女復割股療治卒不起女痛不欲生以防範嚴得無恙更恐死之過遠重傷父心居食如常至百日晨起沐浴脫簪珥更喪衣而密縫紵之告

卷一

八

諸父率弟妹往奠於開福寺母殯之所寺有古塔高二十八丈有奇託言禮佛戒戚串家人守塔前外人毋得入偕僕婦婢女強步以登獨携小妹至十一級西嚮母殯泣拜三南向州署度父所在泣拜三復西嚮號我母者三躍而下州人士多遙見女衣袖飄然盤旋下墜及趨視則以手挂腮側身坐地膚體衣服無損傷鞋二隻墜落身旁如解脫者含笑而逝時十二年正月二十四日也女存年二十六歲衣袖中遺筆二一囑貼墻前明已志一囑殮母更喪衣殯必母側啟匣中復得遺筆五皆與父伯弟妹訣別之詞具述當母病篤時焚香私誓必侍養地下庶幾報母劬勞之德且請父母過痛悼似

此割股療親捨身殉母洵屬孝烈可嘉卑職等近在同城見聞悉確不忍湮沒理合聯銜出具印結稟乞中堂察核俯賜據情

奏請

旌表並懇

恩准由該族自行建立孝女祠俾彰奇行而昭曠典實為德便肅此具稟

卷一

九

國庫器具稟

恩准由該族自行建立孝女祠俾彰奇行而昭曠典實為德便肅此具稟

奏請

家法掛匾請

恩准由該族自行建立孝女祠俾彰奇行而昭曠典實為德便肅此具稟

彭孝女墜塔集卷二

文

皖城彭孝女碑記

河間府知府晉安 陳崇砥

天下事有行之終身不盡。教之萬言不盡者。其惟孝乎。若夫至性至情所激發。置死生於度外。繩之以義不必協。揆之以理不必同。其一意孤行之詣。雖弱女子自竭其心。而行道之人皆爲之觀感。琤琤然奇節也。其孝行爲可傳矣。祭酉春仲予奉

命來守瀛郡時。以干戈水旱之後。民氣以凋敝。漸趨於薄。方竊歎興教之無其道也。乃道路相傳。嘖嘖稱美人口者。則有彭大姑墜塔殉母一事。大姑爲皖城彭豫卿刺史之女。母柯

卷二

宜人隨豫卿景州任。以同治辛未十月卒於署。殞於州城之開福寺。先是宜人病。女割股和藥。進疾因以瘳。者數年。至是復割股無效。哀慟絕粒。父命食。卽食。蓋其心固已決爲速死。計不欲重傷父。心可知矣。旣卒。哭女謂於父營。奠寺中。寺故有增高矗雲。漢數十里。皆望見之。女歷涉十一級。去地有二十餘丈。再拜而呼。父呼母者三。乃蒙袂而墜。踰時卒。死後得女遺筆數千言。則所述隨母之情。與慰父之語。勉勵弟妹之意。至微且悉。以是知其決爲速死。計而必遲之久。而死者又未嘗不反覆思慰生者之心。而瞑目相從死者於地下也。余以三月行郡。至景女死纔一月。耳景之人爲女建祠。祠成。余躬爲祭。酸觀者如堵。墻皆肅肅。然有起敬之色。余喟然曰。民

有秉彜好是懿德其孝行感人易入有如是乎語云身教者
從言教者訟傳曰不出家而成教於國禮曰入其國其教可
知女之孝非思所以教人乃不啻以身教人益以見豫卿所
以教家人者教國人嗚呼樹欲靜矣風何厲耶子知孝矣親
何往耶死而殉何如生而事耶誰非人子願弱女子不若耶
吾願爲環而觀者垂涕泣而道之

卷二

孝女祠碑文

開福盛來
寺僧盛

孝烈女氏彭諱詠春豫州尊之長女也聞平日事二親孝人無間言壬申十月母柯氏恭人仙逝柩停寺之西偏孝女每祭莫焚楮必盡哀聞者皆愴今正二十四日恭人百日之期孝女焚楮忍泣託言登塔禮佛塔十三級逐級禮拜於十一級拂面下墜僧於禪院瞻望及之驚悸傾仆當卽強步塔前孝女側身手腮跌坐而逝面色如生髮膚裙衣並無傷損惟鞋墮落身傍袖中遺筆紙二白其心志一囑取笛殉葬一囑柩停母側墮處所坐石上赤暈數日乃散僧述所見如此其餘事實另有傳不贅是塔也創自隋高二十餘丈孝女奮身不顧含笑全歸僧異之以爲神佑感其孝忍年遠湮沒

卷二

三

因於寺前西偏獨力建宇三楹追塑生像鐫事蹟垂諭後人三月初七日孝女誕辰預前一日頂禮開光州人談之泣下願薦馨香嗚呼世之事親者聞孝女之風宜知感悟哉是爲記

彭孝女碑記

桐城方宗誠

孝女姓彭氏名詠春安徽懷寧縣人父爵麒官直隸知州女幼隨母侍父官舍未嘗一日違母左右嗜詩書聞古今孝義節烈事稱誦不去口嘗割臂肉以療母疾同治十一年冬母卒於景州刺史署女年二十五矣方母疾篤時焚香私誓必侍養地下庶幾報母劬勞之德至是欲殉母又懼死之遽過傷父心也起居飲食如常至百日晨起沐浴脫簪珥更衷衣而密縫紼之往奠於開福寺母殯之所寺有十三級浮圖託言禮佛携幼妹拾級以登戒他人無得入至十一級西向母殯泣拜三南向州署度父所在泣拜三復西向號我母者三躍而下膚體無傷父聞卽昇入署中氣始絕時十二年正月

卷二

四

二十四日也衣袖中遺札二啟匣中復得遺言五皆與弟妹訣別之辭具述誓死已久甘之如飴屬歿無更衣殯必母側閉寺門無使外人得見且請父無過悼嗚呼是殆所謂視死如歸者耶昔子夏言事父母竭力事君致身古無有必以致身於其親爲孝者然而古今所傳孝義往往有其事不可爲天下後世法而其行有可以興起人孝義之心且可因以感愧人不孝不義之情者北宮女之撒環不嫁木蘭之代父從軍是豈可謂女子之庸行而書傳皆稱其孝則以真性之激烈固足令千載下感動而欷歔也孝女殉母後景州人士欲建祠立碑而屬予爲記予懼不善學者或徒以一死爲孝也因記其事而發茲論焉

彭孝烈女投塔殉母記

阮南張光藻

自古節烈垂芽多出於婦道至閩中弱女以孝烈著稱者自曹娥投江救父外古不多見若夫系出名門身嫻禮教事親之誠二十年有如一日割肉療母一再不已生事之不能則以死事之志定於先而身殉於後至於上感天象下惻人心吾讀彭孝烈女遺事而不禁爲之隕涕也孝烈女名詠春安徽懷甯人景州彭豫卿刺史之長女敏篤誠孝女紅外兼習書史聞古今孝義節烈事勃然動色思欲效其爲人刺史擇婿嚴及笄猶待字丁卯母遭危疾和肉進藥得愈壬申至景州署母又病焚香告天乞以身代自母病不起孝女已有死之心矣母歿時以頭觸棺淚涔涔下視之皆成血絕而復蘇者再晨昏定省一如平時刺史命之食必勉進藥水命之歸卧則流連寢門不忍遽去人謂其慰父之心而不知此百日中欲生不可欲死不可賜一日而九迴也時母柩厝署後開福寺突酉正月二十四日孝女易新衣携兩妹及僕媪赴奠乃給衆登塔酬願每級焚香禮拜至十一級離地廿餘丈小憩西向母柩三叩復南向父署大呼母者三奮身下投小妹挽之及墮地衣裙體膚無少損父聞趨視急救弗甦檢衣袖有紅白二紙皆言志在殉母以得遂其願爲幸且諭家人身後事纖微畢至近體祇留一笛素所好也遺囑棺附母側諸人皆勿過悲當時塔下忽起赤暈一條數日不散州屬士民趨拜者如市喧傳遐邇公懇立祠亦足見女之孝烈感發人

心廉頑而立懦矣噫儼然一女子裂肌救母墜捨殉親而處
分家事暇豫如常畧無畏蕙齷亂之意至性鬱爲疇行求仁
得仁毫無遺憾推斯志也古之忠臣烈士從容就義不過如
此擬之曹娥孝女豈不先後輝映與日月爭光耶因綜其實
蹟勒之貞珉某素不工文而奇女之烈性孝行風勵薄俗亦
士大夫所不敢辭也嗚呼功名富貴速朽者也忠孝節義不
朽者也刺史邁

特達之知所到之處窮簷蔭部屋婦女力不能請旌者刺史必
爲之請孝女趨庭之暇聞之熟矣一旦感念劬勞相從地下
君子謂彭氏爲有女矣刺史其無戚戚於中以重傷孝女心
也是爲記

書彭孝女事

玉田 蔣慶第
進士

景州李星如爲余言彭孝女事孝女懷甯人父爵麒收景州
母百日詣開福寺柩所登塿塿十三級登逾半奮身投下墮
地跌坐死面如生僅一履脫耳遺帖子二一云墜塔隨母含
笑九泉一云二妹六妹勿過傷速歸取殮勿更裹衣同治癸
酉正月二十四日也孝女死時年二十六歲夫死必獲所孝
女無裨於母益傷父心宜若可以無死抑世之居父母喪者
其詞皆云痛不欲生是其隕身以殉父母爲仁人孝子之皆
有是心也顧獨未聞有是事者何哉或未終制嬰他疾以死
則率云哀過致然明知毀身滅性之非義而猶取以爲名豈
不以蹈夫是者之少而貴之歟烈婦殉夫今世尙多有可以
無死而死以全其貞而君子許之謂雖介乎情欲之私而猶
卽乎人心之安焉女子有未嫁殉夫者棄其父母兄弟不顧
所欲從乃在六禮不備不知誰何之人彼以其情移而用之
於所生如彭女不尤善乎余書其事而繫以論以質夫精義
君子而並告爲人女子者

卷二

七

書彭孝女事

陽湖 章岳鎮

孝女姓彭氏諱詠春安徽懷甯縣人直隸景州牧豫卿先生爵麒女也殉母時年廿六好讀書又喜談說古今節孝事同治六年母病篤孝女割臂療親十一年母又病瘳孝女割股以進不瘳悲泣撞棺負死伯父以禮喻之乃止明年正月母歿百日矣孝女晨起易裏衣審自縫綴叩父欲至母殯所奠酸父許之弟妹偕行母殯州署後開福寺寺有古塋高二丈有奇旣至託言欲上塔酬神二妹阻之不可遂陟塔獨季妹從至第十一級先西向母殯泣拜者三又南向州署度父所在泣拜者三大聲呼母從塔躍旣下肢體無損以手摺頤側坐所著履墮落身傍足上纏帶如籜脫悉聚屨中不知何以脫去也父聞急趨往視氣未絕踰時乃卒面婉悅如平生袖中檢獲遺筆二一述已願侍母地下意一囑勿易裏衣並殯母側投下處赤暈三日不散云

卷二

八

贊曰近日女子節烈事往往軼於前代其事愈奇夫以數十仞之塔奮身躍下此豈弱女子所爲耶忠義戡則涉濤如平地至性激發則搏哮虎如孤豚固不知危險惶怖而下地肢體無傷獨墮其履尤事之不可解者古有鳧仙大士赤足傳者謂女仙去理或然耶

孝烈女祠碑記

景州
拔貢劉維翰

蓋聞緹縈贖罪豈非感激於父言周青憔悴初未追隨於京路茲有彭姑者州主簿卿老夫子之長女也名梅真字詠春道韞才華大家儀範偶然抱弟情立聽書祇爲奉親長年未字事傳封爵會教母氏重生子是掃眉足使男兒愧死說者謂純孝格天冥冥中殆有福佑焉然嚴慈具慶不足流烈女之芳徽生死猶人不足見佛家之法力去冬彭母柯淑人抱病委頓女涕泣禱天願以身代無如女仍刲肉母不還魂九泉迢遞百日遲迴欲殉母則父心恐痛不殉母則已志難伸乃於正月二十有三日一絲一帛檢付堂前和淚和脂書修燈下二十四日拜柩蕭寺散步浮圖豈仙能控鶴上碧落而

卷二

九

閒遊乃墜若飛鳶霧白雲而擲下嗟乎死也激昂而如此從容女也何人窈窕而更饒壯烈廟食茲土誰曰不宜况寺中夕照樹影淒淒臂上血痕蓮花隱隱崔嵬直下居然撲落於塵埃跌坐向西猶是本來之面目靈奇種種得未曾有殆所謂坐化者非歟說者謂是愚孝也不可訓然傷生爲不孝者責備之義嚴殉母爲大孝者推原之論確翠鳥死時始珍片羽沈檀焚後乃有奇香可知投江痛父猶堪弔雲水而招魂豈其墜塔留芳反欲起泉臺之刻議說者謂殉母矣如父何女有母父無女矣然女原依母及泉始可奉晨昏父卽需人繞膝豈更無弟妹况家有奇孝宦蹟增光女有賢名官聲亦好檢左芬之遺字在高堂那忍重看讀絡媛之古碑卽他日

去思一助又或謂孝烈當爾而子乃謂之坐化焉不且湮沒
其真跡歟然齋魚粥鼓升天無圓滿之期烈魄貞靈立地證
菩提之果不然十層高矣墜來何肢體無傷隻履飄然歸去
蓋肉身不可此烈女傳內未聞有此奇踪卽菩薩座中當亦
傳爲公案者已開福寺玉安上人大發慈悲虔誦經咒乃復
建祠堂下一切工料皆自己布施工甫竣矣乃乞予一言以
勒諸石予辭不獲已乃援筆而記其顛末如此噫丹楹煥彩
應增佛刹之輝黃絹乏辭敢擬曹娥之記

卷二

淑社德陳之教淑德之稱非獨曹娥之謂

淑德之稱不獨曹娥之謂淑德之稱非獨曹娥之謂

淑德之稱不獨曹娥之謂淑德之稱非獨曹娥之謂

淑德之稱不獨曹娥之謂淑德之稱非獨曹娥之謂

淑德之稱不獨曹娥之謂淑德之稱非獨曹娥之謂

淑德之稱不獨曹娥之謂淑德之稱非獨曹娥之謂

淑德之稱不獨曹娥之謂淑德之稱非獨曹娥之謂

淑德之稱不獨曹娥之謂淑德之稱非獨曹娥之謂

孝女彭大姑墜塔殉母徵詩啟

張景沂

蓋聞褒死勸生國家重表揚之典闡幽微顯士林深懲勸之心凡夫葯憐獨活甘化石以明心竹怨孤生爰磨笄而見志無不綽楔以示榮每託詠歌而紀盛况乎舍身全孝竭慈烏反哺之誠視死如歸効寸草春暉之報此尤晚近所難能巾幗所罕見者矣孝女彭大姑者景州刺史豫卿先生長女也曇花一現顏面如生遺囑三張深情若訴慟絕決於嚴親殷殷者猶隣弟妹寄纏綿於伯舅瑣瑣者並及婢奴字揭塔上居然瑟瑟湘靈笛納棺中不比簫吹嬴女時同治癸酉正月二十四日也某等親經目觀事異傳聞爰削牘以陳情蒙飛章而入告已看

卷二

七

九重

綸綽丹鳳銜來太史輶軒青驄採去巍然廟貌常依宰堵之波卓爾貞珉輝映蓂城之址若無揚挖奚表貞心冀我同人共賡雅唱或詩或賦千章謝眺之吟爲序爲銘滿架徐陵之筆庶同曹娥碑上題成黃絹幼婦之詞墩之孝女祠中用表泣血椎心之志企俟霖珠待聯編貝謹啟

書彭孝女事實冊後

蘭州王晉之竹册
舉人

昔高彥昭守濮陽賣女妹妹與其母兄於李正己正己謀不軌及以城歸妹妹將與母兄同死母欲請免其死而女不欲聞其父所在之方西嚮哭再拜遂就死李習之作高愍女碑謂天生其習布之於天下雖逆子必改行悍妻必易心爲王化大端余謂愍女死難激於忠義非智者不能然猶有事勢以迫之若彭孝女之殉母從容閒暇無事驅迫知有孝而不知有身尤足多也雖其天性純篤亦由幼習書史熟聞古孝義節烈事則吾彭侯之所教者正也蓋自古王化不行半因女教不修故周禮重陰教大易重女正習之目爲大端良然近世士夫解此者殊鮮觀孝女事實度幾有所觀感云

卷二

彭孝文事畧

女名詠春安徽懷寧縣人知景州彭爵麒諫卿之長女也年二十六賦質聰敏工女紅習書史喜聞古今孝義節烈事未嘗一日離母左右處事和順舉家悉得歡心同治丁卯父從戎母病篤女割腕肉和藥以進母病愈王申秋母復病女侍湯藥不解衣寢者廿餘日醫藥罔效仍割股療治病不起痛不欲生殮時觸棺寃死救復甦伯父婉勸義不忍違又恐傷父心起居如常度時時強承顏色伯及父心稍慰防範畧疎癸酉正月廿四日母百日之期前數日將母在經理各事暗自交代其侍婢以年長亦令其父領回人莫介意母親停於開福寺西偏是日晨起沐浴脫簪珥更新裏衣午後詣柩所

卷二

三

焚香寺前古塔一託言酬神願兩妹懼阻弗聽強與同登僕婢偕往者八人或使前導或飭後隨戒戚串家人守塔前毋令外人入塔十三級逐級禮畢獨携小妹至第十一級西向母柩所泣拜三轉向南父署泣拜三復西向大呼我母者三提衣拂面勢欲下躍小妹力挽之女揮妹退遂撲空而下至地二十餘丈寺人遙見者衣袖飄然盤旋下墜膚體衣裙毫無損傷鞋二墜落身旁繩絆具在如解脫然墜處赤暈數日乃散父聞趨視命家人舁人舁入救弗蘇死後面如生由袖中檢遺筆紅白紙二一自明百日殉母恐傷父心令貼塔前使人知其立志之堅用心之苦一囑殮後柩停母側啟匣內得遺言五皆與伯父舅及弟妹訣別之言情詞悱惻請勿過

傷且述丁卯秋母病篤時焚香私誓母氏劬勞恩重難報生
則侍奉死則追隨等語始悟女之從容不迫視死如歸其用
心立志非一日矣女生平嗜笛遺囑除身後衣履附棺一笛
而已此孝女之實在事畧也謹述

